

di-FISP le tiriso e e sa tshwanelang ya matole

Dilo tsa dithulaganyo tsa thuso ya dilo tsa temo (FISP) di thusiwa ka matlole ke dipuso tsa bosetšhaba go thusa balemi ba babotlana. Mme ka dinako dingwe dibaotšhara le menontsha di a **utswiwa**, e bile ga ntsi di **romelwa** kwa mefuteng e mengwe ya kgwebo le balemi ba ba dirang kgwebo ka go lema.

Go gonnye thata go go itsiweng ka dikgwebo tseno tsa dipeo le menontsha, mme seno se dira gore go se nne bonolo go bala gore ditlamo di amogela go le kana kang ga menontsha le dipeo tse ba di newang ke letlole leno la dithuso. Dithulaganyo tsa go laola le go



lekanyetsa di bokoa kgotsa ga di yo gotlhelele, e bile ga go itsiwe gore go latlhega menontsha le dipeo tse di kana kang.

Mo di-FISP di le dintsi mo Borwa jwa Aforika, dilo tsa temo tse go tlamelwang thuso ka tsone di a utswiwa pele ga di abiwa ('di romelwa go sele'), mme baamogeladithuso ba golola dibaotšhara tsa bone gore ba bone madi kgotsa ba rekisetsa ba bangwe ('di a dutla') dilo tse ba thusiwang ka tsone.

- ▶ **Tanzania** – 60% ya menontsha e e latlhegang ke ka ntlha ya go romelwa go sele.
- ▶ **Zambia** – 35% ke ka ntlha ya go romelwa go sele kgotsa ka ntlha ya go dutla.
- ▶ **Malawi** – 33% e romelwa go sele kgotsa e dutlela kwa mebarakeng e sele.
- ▶ **Afrika Borwa** – selekanyo se segolo thata se romelwa go sele le go rekisetswa balemi mo nageng kgotsa di tsenngwa ka bokhukhuntswane kwa dinageng tse dingwe.

